



29. april 2025

Inatsisartut suleriaasianni § 37 imm. 1 naapertorlugu Naalakkersuisunut apeqquteqaat imaattoq matumuuna saqqummiuppara.

Naalakkersuisunut apeqqutit:

1. Naalakkersuisut pilersaaruteqarpat Kalaallit Airportsip pisortaanut peqqusissamaarlutik, Nuummi mittarfissuup silataani Kalaallit erfalasuata ullut tamaasa amusimaneqartalernissaa pillugu?
2. Naalakkersuisut pilersaaruteqarpat malittarisassiornissaminnik, suliffeqarfissuit inuiaqatigiinnik pigineqartut qullersaqarfiisa silataanni Kalaallit erfalasutta amusimaneqartalernissaat pillugu, suliffeqarfissuit namminneq ilisarnaatimittut erfalasuisa atorineqarnerata saniatigut?

(Inatsiartuni ilaasortaq Lars Poulsen, Siumut)

Tunngavilersuut:

Nuummi mittarfissuaq nutaaq, nunat tamalaat akornanni mittarfittut akuerisaq, 28. november 2024 atoqqaartinneqarpoq.

Mittarfissuup illorsuartaata silataani erfalasulerferujussuit sisamat napparneqarsimapput, tamarmillu Kalaallit Airportsip ilisarnaataanik erfalasulernerqarsimapput. Taamaalilluni Kalaallit Airportsip erfalasorput, Nunatta erfalasua, amujumanngilaa. Mittarfissuup atorineqalernissaa sioqqullugu Mittarfeqarfiit Kangerlussuarmi kalaallit erfalasuannik ullut tamaasa atuisuupput.

Isumaqarluinnarpunga pissusissamisoorluinnartuusoq inuiaqatigiinni ineriartornerput eqqarsaatigalugu, Namminersorlutik Oqartussat ulluinnarni ersarinnerutittariaqaraat, namminiileriartortutut ilisarnaatitta pingaarnerit ilaat, tassalu Erfalasorput. Namminersorlutik Oqartussat Nuummi qitiusumik allaffeqarfissuata silataaniinnaanngitsoq, kisiannili minnerpaamik suliffeqarfissuit inuiaqatigiinnit pigineqartut qullersaqarfiisa silataanni.

Apeqqutigineqartut ullut suliffiusut qulit iluanni akeqquneqarput.